



Inunnut paasissutissat oqartussanit suliarineqartarnerisa inatsisit naapertorlugit suliarineqartarnerat pillugu Kalaallit Nunaannut intsisip atortuulersinnissaa pillugu peqqussummut Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut.

(Naalakkersuisut siulittaasuat)

(Siullermeerneqarnera)

Innuttaasut inatsisitigut illersorneqarnissaat Demokraatinut pingaartuuvoq, soorunalumi aamma inunnut paasissutissanut tunngatillugu.

Kalaallit Nunaanni innuttaasutut tatigineqartuaannassaaq, paasissutissat imminnut tunngasut pisortanit oqartussaasunit eqqortumik suliarineqartarnissaat, innuttaasut paasissutissanik imminnut tunngasunik annertuumik illersorneqarniassammata. Paasissutissat inummut tunngasut tamatigut peqqissaartumik ataqqinnittumillu suliarineqartassapput.

Siunnersuutip uuma kingunerissavaa innuttaasut Kalaallit Politiivinit paasissutissaatimik suliarineqarneranni, annertunerusumik paasissutissat illersorneqarsinnaalissammata. Iluarisimaarnarpoq ilorraallu tungaanut alloriarnerulluni. Ajoraluartumik eqqartuussiveqarneq siunnersuummut ilaatinneqarsimangikkallarpoq, eqqartuussiviit internettimut atortui misissorluarneqaqqartussaammata.

Eqqartuussiviilli ilanngunneqarnissaat uani siunnersuummi, inatsisitigut periarfissaqalerpoq. Taamaattumik Demokraatit Naalakkersuisut kajumissaassavaat Inatsisit Atuutsinneqarnerannut ataatsimiititaliaq paasissutissittuassagaat eqqartuussiviit internettimut atortui pillugit, kissaatigigatsigu, eqqartuussiviit piaarnerpaamik ilanngunneqarnissaat, inunnut paasissutissanut illersuineq tassani aamma annertusarneqarniassamat.

Siunnersuut akuereqqullugu innersuunneqarpoq Inatsisillu Atuutsinneqarnerannut ataatsimiititaliami suliareqqinneqartussatut innersuunneqarluni.